

العقيدة الإسلامية

الإمام ابن أبي زبير القيرواني

БУСАЛБА КХЕТАМ

Имам Ибн Аби-Зайд
Ал-Къайраваний

www.dinulislam.org



Имам Ибн Аби-Зайд Ал-Къайраваний

Цуьнан це АбдуллахI хилла, цуьнан де це Абу-Зайд Абдуррахьман хилла. Цундела цунах Ибн Аби-Зайд олу, Абу-Зайдан воI бохург ду иза.

Имам Ибн Аби Зайд вина хИжратан терахьца 310-чу шарахь, иза кхелхина 386-чу шарахь, 76 шарахь ваьхначул тIаьхьа.

Шен заманан а, ша вехачу меттиган а уггар баккхийчу Iелам-нахах цхьаь хилла иза. Iелам-стаг а волуш, шен Iилманца Iамал еш а волуш, Iибадат дукха деш а волуш, дуьне лехар кIеззиг хилла а волуш, тешаме волуш, комаьрша волуш, хастаме волуш, лаам лаккхара болуш стаг хилла Имам АбдуллахI. Суннатана тIаьхьа вазарца а, хьадисаца Iамал йарца а, дин юккье керла хIуманаш юкьадаьхначарна доьхьало йарца вевзаш хилла иза. Иза шайца гIараваьлла долчу Iилманех ду тафсиран Iилма а, хьадисан Iилма а, хьехам баран Iилма а, фикъIан Iилма а. И дерриге дикаллаш шеца хиларна, Iилманан даржехь лакхаваьлла иза хиларна а, «Жима Малик» олуш хилла цунах, Имам Маликах иза тарвеш, хIунда аьлча цо фикъI Iилма маликийн мазхIабехь Iамийна хилла дела. Шен заманахь ерриге бусалба малхбузенехь болчу Суннатан охIлунан имам хилла иза.

Доьххьара дуйна Къуръан дагахь Iамийна хилла цо, тIаккха шен махкахь бехачу Iелам-нахаца Iилма а Iамийна цо. 330-чу шарахь ша хьадж дан воьдучу хенахь, новкъахь а, дIаькхаьчча цигахь а цо хьадисан Iилманца къаьсттина тIалам беш хилла дела, тайп-тайпана мехкашкара Iелам-нахера цо шена хьадис Iамийна дела, хьадисийн иснад лаккхара хилла цуьнан. Жималлехь дуйна гIараваьлла хилла иза хIуманаш дика кхеташ хиларца а, хьекьал сов хиларца а, Iилма дукха хиларца а. Цуьнан масала ду цо шен вуьрхIийтта шо кхаьчча яздина долу «Ар-РисалахI» жайна. И массо хIума бахьана долуш дуккха а мутаIеламаш хилла цуьнгара Iилма лохуш, баккхийнаш а, кегийнаш а богIуш хилла цуьнан дарсашка а, цуьнан хьехамашка а ладогIа. Тайп-тайпана мехкашкахь дуккха а баккхий Iелам-нах бевлла цуьнан мутаIеламашна юкьара.

Илма Иаморца а, иза хъехарца а гIараваьлла хиларе терра, жайнаш яздар а дукха хилла Имам Ибн Аби Зайдан. Ткъеиттангара шовзткъанга кхаччалц жайна яздина хилла цо тайп-тайпанчу Илманашкахь: тафсирехь а, хъадис Илмангахь а, фикъхIехь а, кхидолчу Илманашкахь а. Церах цхьадолу жайнаш цхьа ша-тайпа пайдане ду, кхечерах къаьсташ долуш, церан масала ду «Ар-РисалахI» жайна а, «Ан-Навадир Ваз-Зийадат» цIе йолу жайна а. Ткъа, «Ар-РисалахI» жайна цо доьххъара яздина жайна а ду, шен 17 шо кхаьчча яздина а ду, уггар гIарадаьлларг а ду, маликийн мазхIабехь дацдеш доьххъара яздина жайна а ду. Цундела маликийн мазхIабан Iелам-наха малхбалехь а, малхбузехь а къобалдина тIелаьцна хилла ду цуьнан и жайна, Иаморца а, хъехарца а, маьIна дарца а, дагахь Иаморца а. Масала, цу жайнин маьIна деш яздина долу жайна ткъеитт сов жайна ду. 939-чу шарахь кхелхина волчу Шейх Iалий Ал-Мануфийс цу «Ар-РисалахI» жайнин маьIна деш ша цхьамма яздина тайп-тайпана ялх жайна ду. Iелам-наха иза иштта деза лоруш хиларна, шекъана метта деши а лелош, дешица яздина хилла а ду иза, 20 деши динарах доьхкина хилла а ду халифатан коьрта гIалахь БагIададехь.

Бусалба дин Иамош, иза довзуйтуш, иза даржош, цуьнца Иамал еш, иштта Дала шена тоьхна йолу хан яьккхинчул тIаьхъа, хIижратан терахьца 386-чу шарахь кхелхина Имам IабдуллахI ибн Аби-Зайд.

Вега хинволчу АллахIе доьху вай Цо цунах Шен къинхетам бар а, Цунна гечдар а, Цунна Шен ялсамани йалар а. Амин.

ХIара яз деш пайдаэцна жайнаш: «Мукъаддиматур-РисалахI» жайна зорбанна кечдина волчу Шейх Бакр Абу-Зайдан а, Шейх Iабдул-Фатгахь Абу ГIуддатан а ши дешхьалхе.

БУСАЛБА КХЕТАМ

<p>Маттаца схьаалар а, дагца тешар а важиб долу бусалба кхетамаш буьйцу дакъа ду хIара</p>	<p>باب ما تنطق به الألسنة وتعتقده الأفئدة من واجب أمور الديانات</p>
<p>Важиб ду дагца теша а тешаш, маттаца схьаолуш хилар:</p>	<p>من ذلك الإيمان بالقلب والنطق باللسان</p>
<p>АллахI - цхьаъ волу дела ву аьлла!</p>	<p>أَنَّ اللَّهَ إِلَهٌ وَاحِدٌ</p>
<p>Иза воцург кхин дела вац.</p>	<p>لا إله غيره،</p>
<p>Цунах тера хIумма а дац,</p>	<p>ولا شبيهة له،</p>
<p>Цуьнца нисдала йиш йолуш хIумма а дац.</p>	<p>ولا نظير له،</p>
<p>Цуьнан доьзалхо а вац.</p>	<p>ولا وُلْدَ له،</p>
<p>Иза дех-ненах схьаваьлла а вац.</p>	<p>ولا وَالِدَ له،</p>
<p>Цуьнан хIусамнана а яц.</p>	<p>ولا صاحبة له،</p>

<p>(Цуьнан балхахь) Цуьнца цхьаьна цхьаъа накъост вац.</p>	<p>ولا شريك له.</p>
<p>Иза хьалхара хиларан юьхьиг яц (Цул хьалха цхьаъа хIума хилла дац; цкъа воцуш а хилла, тIаккха хила волавелла вац Иза, даим волуш хилла ву Иза).</p>	<p>ليس لأَوْلِيَّتِهِ ابتداءً،</p>
<p>Иза тIаьххъара хиларан чаккхе а яц (Иза дIа а ваьлла, Цул тIаьхъара хир долуш цхьаъа хIума дац; воцуш хир волуш вац Иза, даим хир волуш верг ву Иза).</p>	<p>ولا لِأَحْرَبِيَّتِهِ انْقِضَاءً،</p>
<p>Цуьнан куьцаш дуьйцуьрш кхуьур бац церан духе (Цуьнан куьцаш ма-дарра муха ду хуийла дац цхьанна а, Цунна Шена бен).</p>	<p>لا يَبْلُغُ كُنْهَ صِفَتِهِ الواصفون،</p>
<p>Цуьнан болх ма-барра бевзар а бац (Цунах лаьцна) ойла ечарна.</p>	<p>ولا يُحِيطُ بِأَمْرِهِ الْمُتَفَكِّرُونَ،</p>
<p>Хьехам хила луучара Цуьнан билгалонаш тIехь ойла йо, Цуьнан Шен духе кхиа гIерташ ойланаш ца йо.</p>	<p>يَعْتَبِرُ الْمُتَفَكِّرُونَ بِآيَاتِهِ، ولا يَتَفَكَّرُونَ فِي مَائِيَّةِ ذَاتِهِ</p>
<p>Цуьнан Иилманах цхьаъа хIума ца хаъа царна, Цунна лиънарг бен. Стигланаш а, латта а шена чулоцуш ду Цуьнан «курсий»¹. И шиъ (стигал а, латта а) лардаро цхьаъа хало а ца йо Цунна. Лекха верг а, воккха верг а ву Иза.</p>	<p>ولا يُحِيطُونَ بِشَيْءٍ مِنْ عِلْمِهِ إِلَّا بِمَا شَاءَ وَسِعَ كُرْسِيُّهُ السَّمَاوَاتِ وَالْأَرْضَ، ولا يَؤُودُهُ حِفْظُهُمَا وَهُوَ الْعَلِيُّ الْعَظِيمُ.</p>

¹ «Курсий» - АллахIан Iаршан лахара дакъа ду.

<p>(Массо хIума) хууш верг а, девзаш верг а ву Иза.</p>	<p>العالمُ الخبيرُ،</p>
<p>(Массо хIума) лелош верг а, (массо хIуманна тIехь) ницкъ болуш верг а ву Иза.</p>	<p>المُدَبِّرُ القَدِيرُ،</p>
<p>(Массо хIума) хезаш верг а, гуш верг а ву Иза.</p>	<p>السَّمِيعُ البصِيرُ،</p>
<p>(Массо хIуманал) лекха верг а, воккха верг а ву Иза.</p>	<p>العَلِيُّ الكَبِيرُ،</p>
<p>Шá Шен сийлахь Iарш тIехула (лакхаваьлла) а ву Иза.</p>	<p>وَأَنَّهُ فَوْقَ عَرْشِهِ المَجِيدِ بذاته،</p>
<p>Шен Iилманца (массо хIума девзаш хиларца) массо меттехь а ву Иза:</p>	<p>وهو في كلِّ مَكَانٍ بعلمه.</p>
<p>Адам кхоьллина Цо, цуьнан дагчу уьхуш йолу ерриге ойланаш йовза а евза Цунна, (Шен хаарца, гарца, хазарца) цуьнан синан-пхенал герга а ву Иза цунна.</p>	<p>خَلَقَ الإنسانَ، وَيَعْلَمُ ما تُوسَّوسُ بِهِ نَفْسُهُ، وهو أَقْرَبُ إِلَيْهِ مِنْ حَبْلِ الوَرِيدِ،</p>
<p>Цхьаьа (дитта тIера) гIа охьа ца дужу, Цунна иза хууш долуш бен. Латтанан боданашкахь цхьаьа тIеда хIума а, йа цхьаьа екъа хIума а яц (кхуьуш, кхоллалуш, дIайолуш), билггал долчу жайни тIехь (Ал-Лавхьул-Махьфúз тIехь) шá дIаяздина долуш бен.</p>	<p>وما تَسْقُطُ مِنْ وَرَقَةٍ إِلَّا يَعْلَمُها، وَلَا حَبَّةٌ فِي ظُلُماتِ الأَرْضِ وَلَا رَطْبٍ وَلَا يَأْسٍ إِلَّا فِي كتابِ مُبِينٍ.</p>
<p>Iарш тIехула лакхаваьлла Иза.</p>	<p>على العرشِ اسْتَوَى،</p>

<p>Дерриге паччахьалла а чулаьчна Цо.</p>	<p>وعلى المُلْكِ اِحتَوَى،</p>
<p>Уггар хаза цѳераш а, уггар лакха куьцаш (сифаташ) а ду Цуьнан.</p>	<p>وله الأسماء الحُسنى والصِّفَاتُ العُلَى،</p>
<p>Шен сифаташца а, Шен цѳерашца а даим хилла ву Иза (Цуьнан сифаташ а, Цуьнан цѳераш а, цѳеран маӀнеш а даим хилла ду Цуьнца, цкъа доцуш а хилла тӀаккха кхолладелла дац уьш).</p>	<p>لَمْ يَزَلْ بِجَمِيعِ صِفَاتِهِ وَأَسْمَائِهِ،</p>
<p>Лакха ву Иза Шен сифаташ кхоьллина хиларх, Шен цѳераш кхоллаелла хиларх.</p>	<p>تعالى أن تكونَ صفاتُه مخلوقَةً، وأسماءُه مُحدَثَةً.</p>
<p>ШӀа Шен сифат долчу Шен къамелаца вистхилла Иза Муса-пайхамаре, Цо цуьнга дина долу къамел кхоьллина а дац.</p>	<p>كَلَّمَ موسى بكلامِه الَّذي هو صفةٌ ذاتِه، لا خَلْقٌ مِن خَلْقِه،</p>
<p>Шена а, ломана а юкъара пардо дӀадаьккхина хилла Цо, тӀаккха и лам Цуьнан сийлахьаллийна атабелла, боьхна дӀабаьлла.</p>	<p>وَتَجَلَّى لِلجَبَلِ فصارَ دَكًّا مِن جلالِه،</p>
<p>Къуръан – АллахӀан къамел ду, дӀадѳера долчу кепара кхоьллина къамел а дац иза, йа довр долчу кепара кхоьллина долчу хӀуманан куц а дац иза.</p>	<p>وَأَنَّ القرآنَ كلامُ الله، ليس بمخلوقٍ فيبيدَ، ولا صفةً لمخلوقٍ فيينفدَ.</p>
<p>Къадрах (Делан кхелах, хӀоттамах, билгалдаккхарх) тешар важиб ду, хуьлийла иза дика хӀума, йа вон хӀума, мерза хӀума, йа къаьхьа хӀума – и дерриге вайн АллахӀ Дала (хьалхе дуьйна) билгалдаьккхина хӀоттийна ду, Цуьнан кхиэлаца хуьлуш а ду.</p>	<p>والإيمانُ بالقَدَرِ خَيْرُه وشَرُّه، حُلُوُه ومُرُّه، وكلُّ ذلكَ قد فَدَرَهُ اللهُ رَبُّنا</p>

Массо хІуманан хилар Цуънан керахь ду, массо хІуманан лелар а, схьадалар а Цуънан кхиэлаца ду.

ومقاديرُ الأمورِ بيده، ومصدرُها عن قضاءه.

Хила а хилале хьалха девзаш хилла ду Цунна массо хІума, тІаккха Цо билгалбинчу хІоттамца хилла а ду массо хІума.

عَلِمَ كُلَّ شَيْءٍ قَبْلَ كَوْنِهِ، فَجَزَى عَلَى قَدَرِهِ،

Цуънан лайша (адамаша) цхьаъа дош эра дац, цхьаъа Іамал а йийр яц Цуънан кхиэлаца бен, Цунна иза добххъара дуйна девзаш хилла бен, ﴿Муха девзар дац кхоьллина волчунна (Ша кхоьллинарг)?! Иза – мел жима хІума а хууш верг, массо хІума а девзаш верг ву﴾.²

لا يَكُونُ مِنْ عِبَادِهِ قَوْلٌ وَلَا عَمَلٌ إِلَّا وَقَدْ قَضَاهُ وَسَبَقَ عِلْمُهُ بِهِ،
﴿أَلَا يَعْلَمُ مَنْ خَلَقَ وَهُوَ اللَّطِيفُ الْخَبِيرُ﴾.

Шена луург тила а вой (нийса некъа тІера галвоккхий), Шен нийсонца сийсазво Цо. Шена луург Шен комаьршаллийца аьтту бой нис а во Цо (нийса некъа тІе).

يُضِلُّ مَنْ يَشَاءُ، فَيَخْذُلُهُ بَعْدَ لِهِ، وَيَهْدِي مَنْ يَشَاءُ، فَيُوقِّعُهُ بِفَضْلِهِ،

ХІора (адамана) атта дина Цо Шен Іилмангахь а, Шен хІоттамехь а хьалхе дуйна долуш хилларг – иза йа дакъаза даьлла хир долуш, йа ирс долуш хир долуш.

فَكُلُّ مُيسَّرٌ بِتَيْسِيرِهِ إِلَى مَا سَبَقَ مِنْ عِلْمِهِ وَقَدَرِهِ، مِنْ شَقِيٍّ أَوْ سَعِيدٍ.

² Сурат «Ал-Мулк», 14 аят.

Лакха ву Иза Шен паччаллехь Шена лууш доцург хиларх, йа Цуьнга хьашт доцуш цхьаь хиларх, йа Иза воцург кхин кхоллархо хиларх (Цуьнан паччахьаллехь Цунна ца лиьнарг хуьлийла дац, Цуьнан паччахьаллехь Цуьнга хьашт доцуш цхьаьа хуьлийла дац, Цуьнан паччахьаллехь Иза воцург кхин кхоллархо а хуьлийла дац).

تعالى أن يكونَ في مُلكِهِ ما لا يُريد، أو يكونَ لأحدٍ عنه غِيًى، أو يكون خالقٌ لشيءٍ إلا هو

Адамийн а Эла ву Иза, церан Iамалийн а Эла ву Иза (уьш массо кхоьллинарг а ву Иза).

رَبُّ العبادِ ورَبُّ أَعْمالِهِم،

Церан лелар а, церан Iожаллин хенаш а билгалйинарг ву Иза.

والمُتَدَرِّجَاتِ لِحَرَكَاتِهِمْ وَأَجْأَلِهِمْ،

Царна тIехь (Шен) тешалла кхочушдеш царна элчанаш бахийтинарг а ву Иза.

الباعثُ الرُّسُلَ إِلَيْهِمْ لِإِقَامَةِ الْحُجَّةِ عَلَيْهِمْ.

ТIаккха тIаьххьара кхочушдина Цо элчаналла а, кхерамца кхайкхамалла а, пайхамаралла а Шен пайхамарца Мухьаммадца, Делера салават а, салам а хуьлда цунна. Элчанех уггар тIаьххьарниг вина (вайитина) Цо иза, (дика хиллачарна) кхаь боккхуш волуш, (вон хиллачарна) кхерам кхайкхош волуш, АллахIан пурбанца (адамаш а, жинаш а) Цуьнга кхойкхуш волуш, серло лун тогар санна (нийса некъ гойтуш) волуш.

ثُمَّ خَتَمَ الرِّسَالَةَ وَالنَّذَارَةَ وَالنُّبُوَّةَ بِمُحَمَّدٍ نَبِيِّهِ ﷺ، فَجَعَلَهُ آخَرَ الْمُرْسَلِينَ، بِشِيرًا وَنَذِيرًا، وداعياً إلى الله بإذنه وسراجاً منيراً،

Цо цуьнга доссийна Шен хьекъале жайна, Цо цуьнца довзийтина Шен нийса дин, Цо цуьнца гайтина нийса некъ.

وَأَنْزَلَ عَلَيْهِ كِتَابَهُ الْحَكِيمَ، وَشَرَحَ بِهِ دِينَهُ الْقَوْمَ، وَهَدَى بِهِ الصِّرَاطَ الْمُسْتَقِيمَ.

(Къемат дийнан) сахът догIур долуш (хилар бакъ) ду, цхъаъа шеко йоцуш. АллахIа юха гIаттор а ву велларг ша-верг. Цо уьш доьххъара ма-кхоллара, (юха денбина) юха боьрзур бу уьш (беллачул тIаьхъа).

Кхачамбацарех цIена волчу АллахIа Шех тешаш болчу Шен лайшна совдоху (алсам доху цара дина долу) диканаш.

Цо гечдо царна даккхий къиношна, цара тоба дарца. Кегийчу къиношна а гечдо Цо царна, даккхийчу къиноьх уьш ларбелчахъана.

Даккхийчу къиноьх тоба а ца деш велларг Шен лааме воьрзуш хилийтина цо (Шена лиъча гечдийр долуш, Шена лиъча таIзар дийр долуш): ﴿Бакъдолуш АллахIа геч ца до Шеца (Шен балхехъ) накъостий барна; ткъа кхидIа дерг гечдо Цо Шена луучунна﴾.³

Шен жобъжахатца Цо таIзар динарг цу чура Цо аравоккхур ву цуьнан (дуьненахъ хиллачу) *ийманаца*, тIаккха цуьнца Шен ялсамани чу а вохуйтур ву Цо иза: ﴿Ченалган барамехъ дика динчунна а иза гур долуш а ду﴾.⁴

وَأَنَّ السَّاعَةَ آتِيَةٌ لَا رَيْبَ فِيهَا، وَأَنَّ اللَّهَ يَبْعَثُ مَنْ يَمُوتُ، كَمَا بَدَأَهُمْ
يعودون.

وَأَنَّ اللَّهَ سَبْحَانَهُ ضَاعَفَ لِعِبَادِهِ الْمُؤْمِنِينَ الْحَسَنَاتِ،

وَصَفَحَ لَهُم بِالْتَّوْبَةِ عَنِ كِبَائِرِ السَّيِّئَاتِ، وَعَفَّرَ لَهُمِ الصَّغَائِرَ بِاجْتِنَابِ الْكِبَائِرِ،

وَجَعَلَ مَنْ لَمْ يَتُبْ مِنَ الْكِبَائِرِ صَائِرًا إِلَى مَشِيئَتِهِ ﴿إِنَّ اللَّهَ لَا يَغْفِرُ أَنْ
يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ﴾.

وَمَنْ عَاقَبَهُ بِنَارِهِ أَخْرَجَهُ مِنْهَا بِإِيمَانِهِ، فَأَدْخَلَهُ بِهِ جَنَّتَهُ ﴿فَمَنْ يَعْمَلْ
مِثْقَالَ ذَرَّةٍ خَيْرًا يَرَهُ﴾

³ Сурат «Ан-Нисаъ», 48 аят.

⁴ Сурат «Аз-ЗалзалахI», 7 аят.

Кхин а Цо цу чура аравоккхур ву Шен пайхамаран – Делера салават а, салам а хуьлда цунна – шафаатца, даккхий кьинош летиначарна юкьара цо шена шафаат динарг.

Кхачамбацарех цена волчу АллахIа кхоьллина (тахана а йолуш) ю ялсамани. Цо иза кечйна Шен гергарчу нахана (бусалбанашна), даим хир йолу хIусам йина.

Цо уьш сийлахь бийр бу цу чохь Шен сийлахь юьхье уьш хьовсийтарца (Ша гайтарца).

Иза ю Цо шена чура Шен пайхамар а хилла волу, Шен омрунца хьукма а деш хилла волу Адам Шен лаьтта те охьаваьккхина ерг, Шен Илмангахь Шена хьалхе дуьйна хууш хилла долу бахьана хIоттарца (Адама дитт теера стом баарца).

Кхин а Цо кхоьллина (тахана а йолуш) ю жобжахати. Цо иза кечйна даим хир йолу хIусам йина, Шеца керстаналла динчунна, Шен билгалонаш а, Шен жайнаш а, Шен элчанаш а (бакъ ца беш, церах) дIавирзинчунна. Цо пардо хIоттийна Шена а, царна а юкьахь, Ша царна гойтур воцуш.

Беркате а, лекха а волу АллахI вогIур волуш ву кьемат дийнахь, иштта догIур ду малийкаш а, могоанашкахь, умматаш шена гайтийта а, царна хьесап дан а, (догIучунна) таIзар дан а, (богIучунна) мел бала а.

وَيُخْرِجُ مِنْهَا بِشَفَاعَةِ النَّبِيِّ ﷺ مَنْ شَفَعَ لَهُ مِنْ أَهْلِ الْكِبَائِرِ مِنْ أُمَّتِهِ.

وَأَنَّ اللَّهَ سَبَّحَانَهُ قَدْ خَلَقَ الْجَنَّةَ فَأَعَدَّهَا دَارَ خُلُودٍ لِأَوْلِيَائِهِ،

وَأَكْرَمَهُمْ فِيهَا بِالنَّظَرِ إِلَى وَجْهِهِ الْكَرِيمِ،

وَهِيَ الَّتِي أَهْبَطَ مِنْهَا آدَمَ نَبِيَّهُ وَخَلِيفَتَهُ إِلَى أَرْضِهِ، بِمَا سَبَقَ فِي سَابِقِ عِلْمِهِ.

وَخَلَقَ النَّارَ فَأَعَدَّهَا دَارَ خُلُودٍ لِمَنْ كَفَرَ بِهِ وَالْحَدَّ فِي آيَاتِهِ وَكُتُبِهِ وَرُسُلِهِ، وَجَعَلَهُمْ مَحْجُوبِينَ عَنْ رُؤْيَيْهِ.

وَأَنَّ اللَّهَ تَبَارَكَ وَتَعَالَى يَجِيءُ يَوْمَ الْقِيَامَةِ وَالْمَلِكُ صَفًّا صَفًّا؛ لِعَرْضِ الْأُمَمِ وَحِسَابِهَا وَعُقُوبَتِهَا وَثَوَابِهَا،

(Къемат дийнахъ) терзанаш дугIур ду, адамийн Iамалш озархъама: «Ткъа шен терзанаш (диканца) дазделларш – уьш бу декъал хир берш».⁵

Царна лур ду церан тептарш, тIехъ язйина шайн Iамалш йолуш. Ткъа шен тептар шега аьтту агIор делларг – цунна хъесап дийр ду аттачу хъесапца. Ткъа шайн тептарш шайга букъ тIехъашхула делларш – церах хъаьрчар ю жобъжахатин цIе.

(Жобъжахатина тIехула доьгIна) тIай хилар бакъ ду. Делан лайш (адамаш) цу тIехула девр ду, шайн Iамалшка хъаьжжина. Цхъаберш жобъжахатин цIерах кIелхъарабевр бу, церан кIелхъарабовларан сихалла тайп-тайпана а хир ю (цу тIай тIехула уьш дехъабовларан сихалла церан Iамалшка хъаьжжина хир ду). Ткъа цхъаберш (цу тIай тIехула дехъа а ца бовлуьйтуш) церан Iамалша жобъжахати чуизгор бу.

АллахIан Элчанан – Делера салават а, салам а хуьлда цунна – Iам хиларх тешар важиб ду. Цуьнан уммат догIур ду цу тIе, цу чура (хи) мелларг хъаглур вац цкъаъа. Цунах (генаваккхарца) юхатухур ву (бусалба дин кхечу динца а, нийса некъ галваларца а) хийцинарг а, (керла хIуманаш юкьадахарца а, бусалба дин галдаккхарца а) хийцам бинарг а.

وَتُوَضَّعُ الْمَوَازِينُ لَوَزْنِ أَعْمَالِ الْعِبَادِ: ﴿فَمَنْ ثَقُلَتْ مَوَازِينُهُ فَأُولَئِكَ هُمُ الْمَفْلُحُونَ﴾

وَيُؤْتَوْنَ صَحَائِفَهُمْ بِأَعْمَالِهِمْ، فَمَنْ أُوتِيَ كِتَابَهُ بِيَمِينِهِ فَسَوْفَ يُحَاسِبُ حِسَابًا يَسِيرًا، وَمَنْ أُوتِيَ كِتَابَهُ وَرَاءَ ظَهْرِهِ فَأُولَئِكَ يُضَلَّوْنَ سَعِيرًا.

وَأَنَّ الصِّرَاطَ حَقٌّ، يَجُوزُهُ الْعِبَادُ بِقَدْرِ أَعْمَالِهِمْ، فَنَاجُونَ مُتَفَاوِثُونَ فِي سُرْعَةِ النَّجَاةِ عَلَيْهِ مِنْ نَارِ جَهَنَّمَ، وَقَوْمٌ أُوْبِقَتْهُمْ فِيهَا أَعْمَالُهُمْ.

وَالْإِيمَانُ بِحَوْضِ رَسُولِ اللَّهِ ﷺ، تَرِدُهُ أُمَّتُهُ لَا يَظْمَأُ مَنْ شَرِبَ مِنْهُ، وَيُذَادُ عَنْهُ مَنْ بَدَّلَ وَغَيَّرَ.

⁵ Сурат «Ал-Алрoф», 8 аят.

Ийман – иза маттаца óлу дош а ду, дагчохь долу ихлас⁶ а ду, деган меженашца ен Тамал а ю. Тамалш (алсам) йарца совдолу иза, уьш кеззиг йарца а, (къинош леторца а) лах а ло иза, цундела Тамал йар Таддитарца гелдалар а хуьлу цуьнан, Тамал йарца совдалар а хуьлу цуьнан. Ийман гучудоккхуш долу дош кхочуш ца хуьлу Тамал йарца бен.

Цхьаьа дош а, Тамал а (нийса а, къобал еш а) яц ниййатца бен (ценчу даггара АллахIа добхьа еш хилча бен). Цхьаьа дош а, Тамал а, ниййат а (нийса дац, къобал деш дац) Суннатца догIуш хилча бен.

Къилбанан охIлу болчу (бусалба) нахах цхьаьа керста хуьлуш вац къа латорца.⁷

ШахИдаш (Дела добхьа гIазот деш кхелхинарш) дийна бу, шайн Делера рицкъа кхочуш а бу.⁸ Ирсе хиллачу нехан синош дуьссур долуш а ду, зовкх хьобгуш а ду, къемат де кхаччалц. Дагъаза бевлачеран синош Iазапехь лаьттар долуш ду, бекхаман дийне кхаччалц.⁹

وَأَنَّ الْإِيمَانَ قَوْلٌ بِاللِّسَانِ، وَإِحْلَاصٌ بِالْقَلْبِ، وَعَمَلٌ بِالْجَوَارِحِ، يَزِيدُ بزيادة الأعمالِ، وَيَنْقُصُ بِنَقْصِهَا، فَيَكُونُ فِيهَا النَّقْصُ وَبِهَا الزِّيَادَةُ، وَلَا يَكْمُلُ قَوْلُ الْإِيمَانِ إِلَّا بِالْعَمَلِ.

وَلَا قَوْلَ وَعَمَلَ إِلَّا بِنِيَّةٍ، وَلَا قَوْلَ وَلَا عَمَلَ وَنِيَّةً إِلَّا بِمُؤَافَقَةِ السُّنَّةِ.

وَأَنَّهُ لَا يَكْفُرُ أَحَدٌ بِذَنْبٍ مِنْ أَهْلِ الْقِبْلَةِ.

وَأَنَّ الشُّهَدَاءَ أَحْيَاءٌ عِنْدَ رَبِّهِمْ يُرْزَقُونَ، وَأَرْوَاحُ أَهْلِ السَّعَادَةِ بَاقِيَةٌ نَاعِمَةٌ إِلَى يَوْمِ يُبْعَثُونَ، وَأَرْوَاحُ أَهْلِ الشَّقَاوَةِ مُعَذَّبَةٌ إِلَى يَوْمِ الدِّينِ.

⁶ Ихлас – деган Тамал ю, цуьнан маьна: дийриг а, лелориг а ценна АллахIа добхьа хилийтар ду, ниййат цена хилийтар ду.

⁷ Кхузахь лууш дерг керстаналла дойту къа а доцуш, кхидIа дерг ду, иза мел доккха делахь а, масала къаьркъа малар а, гийбат дар а, харц лер а, иштта кхидIа а.

⁸ ШахИдийн дахар дуьненан дахар санна дац, дуьненна а, эхартана а юкьахь долуш ша-тайпа дахар ду, вайн хьекъалш тIекхуьур доцуш.

⁹ Каш чохь хир долу Iазап а, зовкх а синна а, дегIана а цхьаьне ду. Синош шайн догIмашца хIоттаделла зIе йолуш ду, цундела синошна хуьлуш дерг догIмашна а кхочуш ду.

АллахIах тешаш хилларш шайн кешнаш чохь зуьйр болуш бу, цаьрга хаттам бийр болуш а бу. Ткъа «АллахIа чIогIачу дашца чIагIбийр бу Шех тешаш хилларш, дуьненахь а, эхартахь а».¹⁰

Делан лайшна (адамашна) тIехIиттийна хехой (малийкаш) ду, церан Iамалш дIаязйеш. Цара язdechух цхьаьа хIума церан Делан Iилманна юкьарадолуш а дац (Цунна ца хууш дац).¹¹

(Са изцарна тIехIоттийначу) валаран малийко са оьцу (Iожалла тIехIоьттинчеран), шен Делан пурбанца.

(ХIокху уммат юкьахь) уггар диканаш АллахIан Элча – Делера салават а, салам а хуьлда цунна – ган а гина, цунах тешна хилларш бу (асхьабаш бу), тIаккха церал тIаьхьабогIурш бу (табиIунаш), тIаккха церал тIаьхьабогIурш бу.

Асхьабашна юкьахь уггар везаниг (уггар дика верг, уггар сийлахь верг) виь халиф ву, нийсонна тIехь а, нисвелла а хилла волу: Абу Бакар, тIаккха Iумар, тIаккха Iусман, тIаккха Iела, Дела реза хуьлда царна массарна.

وَأَنَّ الْمُؤْمِنِينَ يُفْتَنُونَ فِي قُبُورِهِمْ وَيُسْأَلُونَ، ﴿يُثَبِّتُ اللَّهُ الَّذِينَ ءَامَنُوا بِالْقَوْلِ الثَّابِتِ فِي الْحَيَاةِ الدُّنْيَا وَفِي الآخِرَةِ﴾.

وَأَنَّ عَلَى الْعِبَادِ حَفَظَةَ يَكْتُبُونَ أَعْمَالَهُمْ، وَلَا يَسْقُطُ شَيْءٌ مِنْ ذَلِكَ عَنِ عِلْمِ رَبِّهِمْ،

وَأَنَّ مَلَكَ الْمَوْتِ يَقْبِضُ الْأَرْوَاحَ بِإِذْنِ رَبِّهِ.

وَأَنَّ خَيْرَ الْقُرُونِ الَّذِينَ رَأَوْا رَسُولَ اللَّهِ ﷺ وَأَمَنُوا بِهِ، ثُمَّ الَّذِينَ يُلَوِّهَمُ ثُمَّ الَّذِينَ يُلَوِّهَمُ.

وَأَفْضَلُ الصَّحَابَةِ الْخُلَفَاءُ الرَّاشِدُونَ الْمَهْدِيُّونَ؛ أَبُو بَكْرٍ ثُمَّ عُمَرُ ثُمَّ عُثْمَانُ ثُمَّ عَلِيُّ رَضِيَ اللَّهُ عَنْهُمْ أَجْمَعِينَ.

¹⁰ СураI «ИброхIим», 27 аят. Оцу аяIатехь «эхартахь» бохург – каш чохь хаттам бечу хенахь бохург ду, хьадисехь ма-дийццара.

¹¹ Шена ца хуу дела яздойтуш дац иза АллахIа, Цунна массо хIума хууш ду: хилларг а, хиндерг а, хилла доцург хилча муха хир дара а. Ткъа Цо малийкашка адамиьн Iамалш дIаязйайтаран бахьанех цхьа бахьана и тептарш адамашна тешаллийна хIиттор хилар ду, адамашна Ша нийсо еш хилар гойтуш.

Элчанан – Делера салават а, салам а хуьлда цунна – асхьабех цхьаъа хьахо мегар дац уггар дикчу агIор бен. Царна юкъахь лелларг ца дийцар а, иза ца хьехор а (тIехь ду бусалба нахана). Берриге нахана юкъахь уггар хьакъ долуш берш бу уьш шайна бежказло лаха а, шайн гIуллакх уггар дикчу агIор тида а.

وَأَنْ لَا يُذَكَّرَ أَحَدٌ مِنْ صَحَابَةِ الرَّسُولِ ﷺ إِلَّا بِأَحْسَنِ ذِكْرٍ، وَالْإِمْسَاكَ عَمَّا شَجَرَ بَيْنَهُمْ، وَأَنْهُمْ أَحَقُّ النَّاسِ، أَنْ يُلْتَمَسَ لَهُمْ أَحْسَنُ الْمَخَارِجِ، وَيُظَنَّ بِهِمْ أَحْسَنُ الْمَذَاهِبِ.

Бусалба нехан имамашна – церан гIуллакхаш лелош болчу куйьгалхошна а, Iелам-нахана а – муьтIахь хилар (фард) ду.

وَالطَّاعَةَ لِأُمَّةِ الْمُسْلِمِينَ مِنْ وُلاةِ أُمُورِهِمْ وَعُلَمَائِهِمْ،

Хьалха-хьалха хилла болчу дикачу нахана (асхьабашна а, табиIунашна а, церал тIаьхьа хиллачарна а,) тIаьхьавáзар а, церан лараш тIехь дIавахар а (важиб) ду, царна гечдар дехар а вайн декхар ду.

وَاتِّبَاعُ السَّلَفِ الصَّالِحِ وَاقْتِفَاءُ آثَارِهِمْ، وَالِاسْتِغْفَارُ لَهُمْ.

Динехь (харцонца) кьийсавалар а, къовсам латтор а Iаддитар (важиб) ду.

وَتَرْكُ الْمِرَاءِ وَالْجِدَالِ فِي الدِّينِ،

Керлахоша (динехь) керла юкъадаьхна хIуманаш дерриге Iаддитар а (важиб) ду.

وَتَرْكُ كُلِّ مَا أَحَدَّثَهُ الْمُجَدِّثُونَ.

(ТIаьхьара), вай добху АллахIе, Цо Шегара салават а, дуккха салам а кхачор вайн эла волчу Мухьаммадна а, цуьнан охIлунна а, цуьнан хIусамнаношна а, цуьнан тIаьхьенна а.

وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَأَزْوَاجِهِ وَذُرِّيَّتِهِ، وَسَلَّمْ تَسْلِيمًا كَثِيرًا.